

Broj: 03-02-1535/2025
Sarajevo, 21.01.2026. godine

**PARLAMENT FEDERACIJE
BOSNE I HERCEGOVINE**

- Zastupnički dom -
gosp. Dragan Mioković, predsjedatelj
- Dom naroda -
gosp. Tomislav Martinović, predsjedatelj

Poštovani,

Sukladno članku IV.B.3.7.c) (III) Ustava Federacije Bosne i Hercegovine, a u svezi sa člankom 172. stavak (1) Poslovnika Zastupničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24) i člankom 164. stavak (1) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), radi razmatranja i usvajanja po skraćenom postupku, dostavljam Vam **PRIJEDLOG ZAKONA O IZMJENAMA I DOPUNAMA ZAKONA O JEDINSTVENIM NAČELIMA I OKVIRU MATERIJALNE POTPORE OSOBAMA SA INVALIDITETOM U FEDERACIJI BOSNE I HERCEGOVINE**, koji je utvrdila Vlada Federacije Bosne i Hercegovine na 65. sjednici, održanoj 14.01.2026. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Privitak:

- Prijedlog zakona na hrvatskom jeziku (CD)
- Tekst odredaba Zakona koje se mijenjaju i dopunjuju
- Izjava o usklađenosti
- Obrazac broj 1a
- Obrazac IFP-NE
- Zakon o jedinstvenim načelima i okviru materijalne potpore osobama sa invaliditetom u Federaciji Bosne i Hercegovine („Službene novine Federacije BiH“, broj: 13/25)

Co: Federalno ministarstvo rada i socijalne politike
gosp. Adnan Delić, ministar

Copyred-ef

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ZAKON
O IZMJENAMA I DOPUNAMA ZAKONA O JEDINSTVENIM NAČELIMA I OKVIRU
MATERIJALNE POTPORE OSOBAMA SA INVALIDITETOM U FEDERACIJI BOSNE I
HERCEGOVINE**

Sarajevo, siječanj 2026. godine

PRIJEDLOG ZA DONOŠENJE ZAKONA PO SKRAĆENOM POSTUPKU

Dostavljeni tekst Prijedloga zakona o izmjenama i dopuna Zakona o jedinstvenim načelima i okviru materijalne potpore osobama sa invaliditetom u Federaciji Bosne i Hercegovine se može usvojiti po skraćenoj proceduri, jer se ukazala potreba za žurnim usklađivanjem zakonskog okvira sa postojećim stanjem u praksi, odnosno otklanjanju uočenih pravnih nejasnoća i tehničkih nedostataka koji otežavaju primjenu važećeg propisa.

Radi se o izmjenama i dopunama koje su ograničenog obima, ne zadiru u temeljna načela postojećeg zakonskog rješenja i ne zahtijevaju sveobuhvatnu javnu raspravu.

Također, predložene izmjene i dopune imaju za cilj unapređenje efikasnosti sustava, pravne sigurnosti i zaštite prava korisnika, a njihovo odlaganje bi moglo dovesti do negativnih posljedica po funkcioniranje nadležnih institucija i ostvarivanje prava građana.

Stoga, obzirom na navedeno, smatramo opravdanim i svrsishodnim da se Prijedlog zakona o izmjenama i dopuna Zakona o jedinstvenim načelima i okviru materijalne potpore osobama sa invaliditetom u Federaciji Bosne i Hercegovine razmotri i usvoji po skraćenom postupku.

ZAKON
O IZMJENAMA I DOPUNAMA ZAKONA O JEDINSTVENIM NAČELIMA I OKVIRU
MATERIJALNE POTPORE OSOBAMA SA INVALIDITETOM U FEDERACIJI BOSNE I
HERCEGOVINE

Članak 1.

U Zakonu o jedinstvenim načelima i okviru materijalne potpore osobama sa invaliditetom u Federaciji Bosne i Hercegovine („Službene novine Federacije BiH“, broj: 13/25) u članku 8. stavak (2) iza riječi: „ili je napustilo područje Bosne i Hercegovine“ dodaju se riječi: „na period koji je duži od 6 (šest) mjeseci“.

Iza stavka (2) dodaje se novi stavak (3) koji glasi:

„(3) Izuzetak od primjene stavka (2) ovog članka je napuštanje prijavljenog prebivališta ili područja Bosne i Hercegovine zbog liječenja i oporavka za vrijeme dok isto traje.“

Članak 2.

U članku 11. stavak (3) riječ „o“ briše se.

Stavak (4) mijenja se i glasi:

„(4) Pravo na ličnog asistenta i pravo na radnog asistenta ostvarit će se sukladno propisima, koji će biti doneseni na kantonalnom nivou“.

Članak 3.

U članku 18. stavak (3) iza riječi: „mogu ostvariti prema“ dodaju se riječi: „kantonalnim propisima,“ te iza riječi: „naknade za tjelesnu onesposobljenost“ dodaju se riječi: „ili po drugim propisima“.

Članak 4.

U članku 19. stavak (2) iza riječi: „zaštiti civilnih žrtava rata“ dodaju se riječi: „po kantonalnim ili drugim propisima“.

Članak 5.

U članku 20. stavak (2) iza riječi: „u ustanovu socijalne zaštite“ dodaju se riječi: „ili u drugu javnu ustanovu zatvorskog tipa“.

Članak 6.

U članku 21. stavak (3) iza riječi: „zaštiti civilnih žrtava rata,“ dodaju se riječi: „kantonalnim ili drugim propisima“.

Članak 7.

U članku 23. stavak (1) iza riječi: „na kaznu zatvora u trajanju od šest mjeseci i duže“ dodaju se riječi: „za djela iz članka 22. ovog zakona“.

Članak 8.

U članku 31. stavak (4) točka a) iza riječi: „kopiju osobne karte“ dodaju se riječi: „na uvid“.

Točka b) mijenja se i glasi:

„b) Uvjerenje o kretanju;“.

Točka c) iza riječi: „civilnim žrtvama rata“ dodaju se riječi: „kantonalnim ili drugim propisima“.

Iza točke f) dodaje se nova točka g) koja glasi:

„g) Ugovor o smještaju osobe u ustanovu socijalne zaštite iz kojeg je vidljiva struktura troškova smještaja u ustanovu ili kopija presude iz koje je vidljivo da je osoba smještena u ustanovu zatvorskog tipa ili izjava od strane nadležnog organa da osoba nije smještena u ustanovu socijalne zaštite.“

Članak 9.

U članku 33. stavak (1) broj „15“ zamjenjuje se brojem „18“.

Članak 10.

U članku 36. dodaje se novi stavak (2) koji glasi:

„(2) Izuzetak od stavka (1) ovog zakona su korisnici prava-djeca starosne dobi do 18. godine života, te isti ne podliježu postupku verifikacije.“

Članak 11.

U članku 46. dodaje se novi stavak (5) koji glasi:

“(5) Podaci u evidencijama iz stavka (3) ovog članka razvrstavaju se po spolu i kao dio statističke evidencije dostupni su javnosti.”

Članak 12.

U članku 49. stavak (1) dodaju se nove točke d) i e) koje glase:

- “d) ne preduzme odgovarajuće mjere i mehanizme zaštite od diskriminacije, uznemiravanja i seksualnog uznemiravanja sukladno članku 9. ovog zakona.
- e) ne razvrstava po spolu statističke podatke i informacije koji se prikupljaju, evidentiraju i obrađuju i ne učini ih dostupnim javnosti.“

Članak 13.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

OBRAZLOŽENJE
PRIJEDLOGA ZAKONA O IZMJENAMA I DOPUNAMA ZAKONA O JEDINSTVENIM
NAČELIMA I OKVIRU MATERIJALNE POTPORE OSOBAMA SA INVALIDITETOM U
FEDERACIJI BOSNE I HERCEGOVINE

I - USTAVNI TEMELJ ZA DONOŠENJE

Ustavni temelj za donošenje ovog zakona sadržan je u odredbama članka III.2.e/, u vezi sa člankom III.3.(3). Ustava Federacije Bosne i Hercegovine, kojim je utvrđeno da federalna vlast ima pravo utvrđivati politiku i donositi zakone koji se tiču socijalne politike. Prema odredbama članka III.2.e/ i članka III.3./1/ i /2/ Ustava Federacije Bosne i Hercegovine, federalna vlast i kantoni su zajednički nadležni za socijalnu politiku u koju oblast spada i zaštita lica sa invaliditetom. Tu nadležnost ostvaruju zajednički ili odvojeno, ili od strane kantona koordinirano od federalne vlasti. U pogledu ovih nadležnosti kantoni i federalna vlast dogovaraju se na trajnoj osnovi.

Kantoni u ovoj oblasti imaju pravo utvrđivati politiku i provoditi zakone (članak III.3.(4)), kao i provoditi socijalnu politiku i uspostavljati službe socijalne zaštite (članak III.4.j).

II - RAZLOZI ZA DONOŠENJE

Temeljni razlog donošenja Zakona o izmjenama i dopunama Zakona o jedinstvenim načelima i okviru materijalne potpore osobama sa invaliditetom u Federaciji Bosne i Hercegovine, koji je stupio na snagu 08.03.2025. godine, je izmjena starosne dobi za djecu-osobe sa invaliditetom, prilikom određivanja mogućnosti kontrolnog pregleda. Institut za medicinsko vještačenje zdravstvenog stanja svojom ocjenom i mišljenjem, koja je u postupcima temelj za priznavanjem prava, može utvrditi kontrolni pregled za djecu , ukoliko smatra da će doći do poboljšanja ili pogoršanja zdravstvenog stanja. Postojeće zakonsko rješenje predviđa mogućnost kontrolnog pregleda za djecu starosne dobi do 15-te godine života.

Člankom 1. Konvencije o pravima djeteta, je određeno da je dijete svaka osoba koja je mlađa od 18. godina života. Shodno ovoj definiciji u predloženim izmjenama se starosna dob djeteta , kojemu se može odrediti kontrolni pregled, pomjera do 18-te godine života. Sva ostala predložena rješenja u ovim Izmjenama su samo tehničke popravke i ispravke grešaka, a svaka od njih ne mijenja niti cilj niti suštinu postojećih normi u važećem Zakonu o jedinstvenim načelima i okviru materijale potpore osobama sa invaliditetom u Federaciji Bosne i Hercegovine.

III - USKLAĐENOST PROPISA SA EUROPSKIM ZAKONODAVSTVOM

U pogledu obveze koja se odnosi na usklađivanje predmetnih izmjena zakona sa pravnom stečevinom Europske unije, ističemo da je analizom primarnih, sekundarnih te ostalih izvora prava EU utvrđeno da ne postoje mjerodavne odredbe sa kojima bi se vršilo usklađivanje.

IV - OBRAZLOŽENJE PREDLOŽENIH RJEŠENJA

Članak 1.

U Zakonu o jedinstvenim načelima i okviru materijalne potpore osobama sa invaliditetom u Federaciji Bosne i Hercegovine ("Službene novine Federacije BiH", broj: 13/23) na pravnoj snazi je odredba kojom je određeno da se treba donijeti odgovarajući pravni akt ukoliko osoba napusti prebivalište ili područje Bosne i Hercegovine, a da ga nije odjavio kod nadležnog organa. Nije precizirana dužina trajanja napuštanja, pa se nadopunjuje članak 8. stavak (2) u pogledu trajanja perioda napuštanja (šest mjeseci i duže).

Nadodat je i novi stavak (2) kojim se predviđa izuzetak od primjene, odnosno ako je napuštanje u svrhu liječenja i oporavka, dok isto traje.

Članak 2.

U važećem Zakonu o jedinstvenim načelima i okviru materijalne potpore osobama sa invaliditetom u Federaciji Bosne i Hercegovine, prilikom nabiranja prava koja osoba sa invaliditetom može ostvarivati po federalnim ili kantonalnim propisima, točka o. je stavljena u stavak (3) umjesto u stavak (4), te se greška tehničke prirode ovim izmjenama ispravlja.

Članak 3., 4. i 6.

Ovo predloženo rješenje je bilo sadržano u članku 7. Zakona o osnovama socijalne zaštite, zaštite civilnih žrtava rata i zaštite obitelji sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23), a isto onemogućava istovremeno korištenje istih prava zbog invaliditeta, po ovom zakonu i po propisima o pravima branitelja, propisima o civilnim žrtvama rata, propisima o mirovinskom i invalidskom osiguranju, kantonalnim ili nekim drugim propisima (misli se na propise druge države primjenom reciprociteta). Obzirom da je dosadašnja praksa pokazala učinkovitost, da to rješenje nije precizno formulisano važećim zakonom, izmjenama se omogućava njegova dalja primjena, te se greška tehničke prirode ispravlja prijedlogom ovih izmjena.

Članak 5.

Cilj ovog članka je onemogućiti korištenje prava na dodatak za njegu i pomoć od druge osobe, osim osobama koja su smještena u ustanove socijalne zaštite o trošku kantonalnog proračuna i osobama smještenim u ustanove zatvorskog tipa, jer im je u toj ustanovi gdje su smještena, pružena sva njega i pomoć sukladno njihovim potrebama.

Članak 7.

U zakonu koji je na snazi u članku 23. nije precizirano da se ograničenje korištenja prava zbog kaznenih djela odnosi isključivo na kaznena djela iz članka 22. Zakona. Stoga se prijedlogom ovih izmjena, ta greška otklanja.

Članak 8.

U članku 31. važećeg Zakona nadopunjena je točka a) da se kopija osobne karte uzima samo na uvid zbog primjene Zakona o zaštiti ličnih podataka.

U točki b) izmijenjena je vrsta dokaza, umjesto prijave prebivališta (CIPS) kao dokaz je određeno uvjerenje o kretanju. Člankom 7. Zakona je određeno da korisnik prava može postati samo lice koje ima prijavljeno prebivalište najmanje šest mjeseci prije podnošenja zahtjeva. Ta činjenica se može utvrditi samo iz uvjerenja o kretanju, te se iz navedenih razloga predviđa kao dokaz, umjesto dosadašnjeg dokaza prijave prebivališta CIPS.

Točka g) je nadodata, jer se za ostvarivanje prava na dodatak za njegu i pomoć od druge osobe, za osobe smještene u ustanove socijalne zaštite, utvrđuje ko snosi troškove smještaja i u kojem obimu, te od priloženih dokaza, ovisi mogućnost ostvarivanja ovog prava.

Članak 9.

Starosna dob za mogućnost određivanja kontrolnog pregleda od strane Instituta za medicinsko vještačenje zdravstvenog stanja za djecu, koja su osobe sa invaliditetom, pomjera se na starosnu dob do 18-te godine života.

Rješenje je izmijenjeno u smislu primjene članka 1. Konvencije o pravima djeteta, koja smatra da je dijete svaka osoba mlađa od 18 godina.

Članak 10.

Verifikaciji ne podliježu djeca starosne dobi do 18. godine života.

Članak 11.

Sukladno mišljenju Gender centra FBiH, dodat stavak radi usklađivanja sa člankom 22. Zakona o ravnopravnosti spolova BiH.

Članak 12.

Sukladno mišljenju Gender centra FBiH, dodate nove točke radi provedbe članka 30. Zakona o ravnopravnosti spolova u BiH.

Članak 13.

Sukladno važećim pravnim normama, određeno je vrijeme stupanja na snagu Zakona o izmjenama i dopunama Zakona o jedinstvenim načelima i okviru materijalne potpore osobama sa invaliditetom u Federaciji Bosne i Hercegovine.

V - FINANCIJSKE IMPLIKACIJE PREDLOŽENIH IZMJENA

Provedba ovih izmjena i dopuna ne iziskuje dodatna financijska sredstva iz federalnog proračuna.

TEKST ODREDAVA ZAKONA KOJE SE MIJENJAJU I DOPUNJUJU

Zakon o jedinstvenim načelima i okviru materijalne potpore osobama sa invaliditetom u Federaciji Bosne i Hercegovine („Službene novine Federacije BiH“, broj: 13/25)

Članak 8. (Gubitak prava zbog odjave prebivališta)

- (1) Ukoliko korisnik prava odjavi prebivalište sa područja Federacije, daljnje korištenje svih prava utvrđenih pravosnažnim rješenjem prestaje sa datumom odjave.
- (2) Ukoliko je osoba sa invaliditetom napustilo svoje prebivalište ili je napustilo područje Bosne i Hercegovine, a nije odjavilo svoje prebivalište kod nadležnih organa, nadležni centar za socijalni rad će privremeno obustaviti isplatu novčanih naknada, sve dok neposrednim uvidom u mjestu prijavljenog prebivališta utvrdi da li osoba zaista boravi na prijavljenoj adresi, te će u skladu sa tim donijeti rješenje.

Članak 11. (Prava lica sa invaliditetom)

- (1) Osoba sa invaliditetom iz članka 12. ovog zakona imaju sljedeća prava i to na:
 - a) osobnu invalidninu;
 - b) dodatak za njegu i pomoć od druge osobe;
 - c) ortopedski dodatak;
 - d) pomoć u troškovima liječenja i nabavci ortopedskih pomagala;
 - e) osposobljavanje za život i rad (profesionalna rehabilitacija, prekvalifikacija i dokvalifikacija);
 - f) prednost pri zapošljavanju pod jednakim uvjetima;
 - g) novčanu i drugu materijalnu pomoć;
 - h) smještaj u hraniteljsku obitelj;
 - i) smještaj u ustanovu socijalne zaštite;
 - j) usluge socijalnog i drugog stručnog rada;
 - k) kućnu njegu i pomoć u kući;
 - l) ranu razvojnu podršku;
 - lj) prioritarno stambeno zbrinjavanje;
 - m) psihološku i pravnu pomoć;
 - n) osobnog asistenta;
 - nj) asistenta u obrazovanju;
 - o) radnog asistenta;
 - p) asistivnu tehnologiju;
 - r) razumnu prilagodbu.
- (2) Prava iz stavka (1) toč. a), b) i c) ovog članka ostvaruju se pod uvjetima, na način i po postupku utvrđenim ovim zakonom.
- (3) Prava iz stavka (1) toč. d), e), f), g), h), i), j), k), l), lj), m), nj), o), p) i r) ovog članka mogu se ostvariti u skladu sa propisima o socijalnoj zaštiti, zdravstvenom osiguranju, zdravstvenoj zaštiti, zapošljavanju i obrazovanju.

- (4) Pravo iz stavka (1) točka n) ovog članka, ostvarit će se u skladu sa propisima koji će biti doneseni na kantonalnom nivou.
- (5) Propisima kantona mogu se utvrditi i druga prava u skladu sa finansijskim mogućnostima kantona i programima razvoja socijalne zaštite.

Članak 18.
(Utvrđivanje visine naknade za osobne invalidninu)

- (1) Osobna invalidnina određuje se u mjesečnom iznosu, srazmjerno stepenu oštećenja organizma prema nalazu, ocjeni i mišljenju Instituta.
- (2) Mjesečni iznosi osobne invalidnine određuju se u procentu od osnovice definirane u članku 24. ovog zakona, i to:
Grupa Procenat
 - a) I - osobe sa invaliditetom sa 100% oštećenja organizma 40%,
 - b) II - osobe sa invaliditetom sa 90% oštećenja organizma 30%.
- (3) Pravo iz stavka (1) ovog članka ne mogu ostvariti osobe sa invaliditetom, koja osobnu invalidninu ostvaruju ili mogu ostvariti prema propisima o pravima branitelja i članova njihovih obitelji, propisima o zaštiti civilnih žrtava rata i propisima o mirovinsko i invalidskom osiguranju - pravo naknade za tjelesnu onesposobljenost.

Odjeljak B. Naknada za njegu i pomoć od drugog osobe

Članak 19.
(Uvjeti za ostvarivanjem prava na dodatak za njegu i pomoć od druge osobe)

- (1) Radi ostvarivanja prava na naknadu za njegu i pomoć od druge osobe, osoba sa invaliditetom razvrstavaju se u dvije grupe, i to:
 - a) Prva grupa – osobe sa invaliditetom koja su, prema ocjeni Instituta, zbog utvrđenog oštećenja organizma upućena na stalnu njegu i pomoć od drugog osobe, jer ne mogu sama udovoljiti svojim osnovnim životnim potrebama bez pomoći druge osobe.
 - b) Nemogućnost udovoljavanja osnovnim životnim potrebama, u smislu ovog članka, podrazumijeva da se osobe ne mogu samostalno kretati u stanu i izvan stana, uzimati hranu, oblačiti se i svlačiti, održavati osobnu higijenu, obavljati druge osnovne fiziološke potrebe, kao i slijepe osobe čiji je ostatak vida na oba oka ispod 0,05 sa korekcijom.
 - c) Druga grupa – osoba sa invaliditetom koja, prema ocjeni Instituta, ne mogu potpuno udovoljiti svojim osnovnim životnim potrebama bez pomoći druge osobe.
 - d) Pod nemogućnošću potpunog udovoljavanja osnovnim životnim potrebama, u smislu ovog članka, podrazumijeva se da se osoba, bez pomoći druge osobe, ne može samostalno kretati izvan stana radi nabavke osnovnih životnih potrepa i korištenja zdravstvene zaštite.

- (2) Pravo iz stavka (1) ovog članka ne mogu ostvariti osobe sa invaliditetom koja dodatak za njegu i pomoć od druge osobe ostvaruju ili mogu ostvariti prema propisima o pravima branitelja i članova njihovih obitelji i zaštiti civilnih žrtava rata.
- (3) Dodatak za njegu i pomoć od druge osobe je novčana naknada, koja se isplaćuje osobi sa invaliditetom, kod kojeg je utvrđeno najteže oštećenje organizma, zbog kojeg osoba ne može samostalno, bez pomoći druge osobe, funkcionisati u zajednici sa drugima i savladavati barijere.

Članak 20.

(Utvrđivanje visine naknada za dodatak za njegu i pomoć od druge osobe i isključenje od korištenja)

- (1) Mjesečni iznos naknade za njegu i pomoć od druge osobe određuje se u procentu od osnovice iz članka 24. ovog zakona, i to:
 - a) I grupa 100% od osnovice,
 - b) II grupa 50% od osnovice.
- (2) Pravo na dodatak za njegu i pomoć od druge osobe ne može ostvariti osoba sa invaliditetom smješteno u ustanovu socijalne zaštite, ukoliko troškovi smještaja u cjelosti padaju na teret općinskog, odnosno kantonalnog proračuna.
- (3) Osoba sa invaliditetom koje je smješteno u ustanovu socijalne zaštite može, uz ispunjenje svih ostalih uvjeta predviđenih ovim zakonom, ostvariti pravo na dodatak za njegu i pomoć od druge osobe ukoliko ono, članovi njegove obitelji, staratelj ili treća osoba, snose najmanje 50% ukupnih troškova smještaja.

Odjeljak C. Naknada za ortopedski dodatak

Članak 21.

(Uvjeti za ostvarivanjem i utvrđivanje visine naknada za ortopedski dodatak)

- (1) Naknadu za ortopedski dodatak može ostvariti osoba kod kojeg je, u skladu sa ocjenom Instituta, utvrđena potreba za ovakvim vidom materijalne zaštite, a kod kojeg je došlo do amputacije najmanje jednog ekstremiteta ili teškog oštećenja funkcije ekstremiteta, slijepa osoba, kao i osoba sa enukleacijom jednog oka, te osoba sa oštećenjem sluha koje koristi slušni aparat.
- (2) Ortopedski dodatak određuje se u mjesečnom iznosu u visini od 7% od osnovice iz članka 24. ovog zakona.
- (3) Pravo iz stavak (1) ovog članka ne mogu ostvariti osobe sa invaliditetom koja ortopedski dodatak ostvaruju ili mogu ostvariti prema propisima o pravima branitelja i članova njihovih obitelji i zaštiti civilnih žrtava rata.
- (4) Ortopedski dodatak je novčana naknada, koja se dodjeljuje osobi sa invaliditetom, koje koristi ortopedsko pomagalo, a služi za servisiranje ortopedskog pomagala, dok je u roku upotrebe.

Članak 23.
(Uticaj sudskih presuda na korištenje prava)

- (1) Korisniku prava, osuđenom pravosnažnom sudskom presudom na kaznu zatvora u trajanju od šest mjeseci i duže, ne pripadaju ta prava za vrijeme dok se nalazi na izdržavanju kazne.
- (2) Ako se korisnik novčanih naknada za priznata prava nalazi u pritvoru, članovima obitelji koje korisnik izdržava za vrijeme trajanja pritvora, isplaćuje se polovina tih primanja. Zadržana polovina primanja isplatit će se korisniku, ako krivični postupak bude pravosnažnom odlukom suda obustavljen ili ako korisnik pravosnažnom presudom bude oslobođen optužbe, odnosno, ako optužba protiv njega bude odbijena, ali ne zbog nenadležnosti suda.

Članak 31.
(Dokazna sredstva)

- (1) Oštećenje organizma osoba sa invaliditetom, potrebu za korištenjem prava na dodatak za njegu i pomoć od druge osobe i ortopedski dodatak, utvrđuje se na osnovu ocjene medicinskog vještačenja zdravstvenog stanja Instituta.
- (2) Zahtjev Institutu za pribavljanjem ocjene medicinskog vještačenja, ne smatra se zahtjevom za ostvarivanjem prava u upravnom postupku.
- (3) Podnosilac zahtjeva je dužan, prilikom predaje zahtjeva za ostvarivanjem prava centru za socijalni rad, uz ostalu potrebnu dokumentaciju, priložiti i konačan nalaz Instituta pribavljen u postupku medicinskog vještačenja zdravstvenog stanja.
- (4) Osim dokaza iz stavka (3) ovog članka, u spisima predmeta prije rješavanja o zahtjevu podnosioca, potrebno je pribaviti sljedeće dokumente i to:
 - a) kopiju osobne karte;
 - b) prijavu prebivališta (CIPS);
 - c) dokaz nadležnog organa da traženo pravo ne ostvaruje, odnosno ne može ostvariti po propisima o pravima branitelja i članova njihovih obitelji, civilnim žrtvama rata i mirovinsko-invalidskom osiguranju;
 - d) uvjerenje o državljanstvu;
 - e) izvod iz matične knjige rođenih;
 - f) kopiju tekućeg računa.

Članak 33.
(Postupanje po kontrolnom pregledu)

- (1) Mogućnost kontrolnog pregleda se utvrđuje djetetu do navršene 15. godine života.
- (2) Ukoliko je ocjenom medicinskog vještačenja zdravstvenog stanja određen kontrolni pregled, rješenje ima privremeni karakter i korištenje novčanih naknada za priznata prava po tom rješenju traje do datuma naloženog kontrolnog pregleda, pa se daljnja isplata korisniku prava obustavlja.
- (3) Ako se naloženi kontrolni pregled kod Instituta, zahtjevom prijavi u roku koji je određen rješenjem, novim rješenjem po obavljanju kontrolnog pregleda, korisniku

- se prava priznaju kontinuirano, bez obzira kada će Institut sačiniti i dostaviti konačnu ocjenu medicinskog vještačenja zdravstvenog stanja.
- (4) Ukoliko korisnik ne postupi u određenom roku i ne obavi kontrolni pregled, korištenje prava mu prestaje rješenjem o prestanku prava sa datumom kontrolnog pregleda, a za nastavak korištenja prava treba podnijeti novi zahtjev za ostvarivanjem prava kod nadležnog centra za socijalni rad.
 - (5) Prava po novom zahtjevu se priznaju u skladu sa odredbama članka 41. ovog zakona.

POGLAVLJE VI VERIFIKACIJA ZAKONITOSTI KORIŠTENJA PRAVA

Članak 36. (Korisnici koji podliježu verifikaciji)

Svi korisnici prava na dodatak za njegu i pomoć od druge osobe i ortopedski dodatak, koji su ta prava ostvarili po odredbama Zakona o osnovama socijalne zaštite, zaštite civilnih žrtava rata i zaštite obitelji sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23), do dana stupanja na snagu ovog zakona, podliježu verifikaciji zakonitosti korištenja prava (u daljnjem tekstu: verifikacija).

POGLAVLJE VIII - NADZOR

Članak 46. (Vršenje upravnog nadzora)

- (1) Upravni nadzor nad primjenom ovog zakona i podzakonskih propisa za njegovo provođenje vrši Ministarstvo i nadležni centri za socijalni rad u Federaciji, svako iz okvira svoje nadležnosti.
- (2) Kontrolu isplata novčanih naknada korisnicima prava, koje se obezbjeđuju u Proračunu Federacije Bosne i Hercegovine, vrši Ministarstvo.
- (3) Ministarstvo, u elektronskoj bazi podataka, prikuplja, obrađuje i vodi evidencije o osobnim, podacima podnosioca zahtjeva i korisnika prava koji su neophodni za ostvarivanje nadležnosti utvrđenih ovim zakonom, uključujući i njihov jedinstveni matični broj.
- (4) Osobni podaci iz stavka (3) ovog članka, mogu se unositi u isprave kojima se rješava o pravima utvrđenim ovim zakonom.

POGLAVLJE IX - PREKRŠAJNE ODREDBE

Članak 49. (Prekršajne odredbe)

- (1) Novčanom kaznom od 2.000,00 KM do 10.000,00 KM kaznit će se za prekršaj centar za socijalni rad ako:
 - a) korisniku protivno odredbama ovog zakona, uskrati ili ograniči prava koja mu pripadaju;

- b) omogućiti korištenje prava osobi kojem ne pripada pravo po ovom zakonu ili mu ne pripada u tom obimu;
 - c) inspektor ne osigura neometano obavljanje inspekcijskog nadzora i ne stavi mu na raspolaganje sva sredstva i potrebnu dokumentaciju.
- (2) Za prekršaj iz stavak (1) ovog članka kaznit će se i odgovorno osoba u centru za socijalni rad novčanom kaznom od 500,00 KM do 1.500,00 KM.